

794

W. 1587/5  
/97












8  
2.  
**Missive by den Raedt**

der Stadt Vrecht / ghesonden aende Staten  
van Hollandt.



**TOT VRECHT**

By myn Jan Corneliszoon / geswoeren drucker van zyn Excell.  
ende mijn Heeren Richts van Vrecht / woonende inden  
Engel byde Hieronimus Schoole An. 1587.

794



Verkeert by den Ervaren

der Edele Heere van den Lande van Hollanden



COE DEE DEE

Van den Conclisoon, de Heere van den Lande van Hollanden  
Van den Conclisoon, de Heere van den Lande van Hollanden  
Van den Conclisoon, de Heere van den Lande van Hollanden





Edele Erntfesten hoochgheleerde vryse seer discrete Heeren, goede  
Vrienden ende naebueren.



**V**ten sijn voerwaer niet min bedroef  
te hoozen in wat staet zyn Excellentie uwe  
laecken ghelaten heeft / als wy te boozens  
verblijt waren / metten goeden hoop van  
Satisfactien / die hem by **D E** Resolutie  
vanden achtthenden deses / scheen gheghe-  
uen te zyn / want ons dese gheheele laecke /  
als den **D**panden naest gheseten / ende den  
daghelicken aentoot onderworpen / aldermeest is betreffende /  
daerom wy **D E** oock ghebeden willen hebben / dit ons schrij-  
uens / aendachtelycken te behertighen / ende onse ghesanten /  
(die wy wt onsen Raedt tot sulcken eynde derwaerts hebben  
afghebeerdicht) met een vruchtbaer antwoord naer eytsch des  
hoochdringhenden noots / opt spoedichste (wie ghetrouwe  
**B**ont-ghenoten eyghent) te bejeghen / **D E** can niet vergheten  
wesen doen wy ouer twee jaren naer Franckrijck ghelonden  
hadden. En van Coninck Henrick weynich troostes / ja gansch  
gheen saghen te verweruen / hoemen ons soo voor als naer on-  
ser ghesanten wedercompste voorgedraghen heeft (c ghene ooc  
waerachtich was) hoe veel zeeckerder ende vaster hulpe wy van  
den Coninginne van Enghelandt / so van wegghen der Christe-  
lycker Religie / als wt andere vele redenen ende ommestanden  
meer dan van eenighe andere Potentaten in Christenryck te  
verwachten hadden / wat groote noot ons daer toe drong / ende  
hoe onses (naest den almoghenden Godt) anders geenen raedt  
hulpe / noch hope en was.

**D E** en is oock niet onbekent / hoe geerne wy v verfoeck en  
advis daer inne gebolcht hebbe / en in hoe danighe puer wy niet  
alleen c secours van hare Maesteyt / maer oock den persoon  
van zyn Excellentie ontfanghen hebben.

Wat ons zedert wederuaren is / hoe de Dupbel ende den  
Paus



paus met synen gantschen aenhanck gheraect ende ghewoedt hebben/om dat onse sake ende die Christelycke Religie (d'welcke noyt voorszien gheschiet) d'assistencie van so eene machtighe souvereine Princesse vercreghen hadden / het selue wordt ons/ deur die daghelicke ervaringhe meer als ghenoch betuycht/ ende heeft ons altoos den meesten hoop ghegheuen van een ghe- lueghen wtcompste / als weskende dit raesen ende woeden/ een ghewis lictrecken haeres aenstaenden onderganc.

Doen wy nu so verre gecomen waren dat wy ons tot de Co- ninginne van Engelandt begheuen/ ende onse hope ende hulpe (naest Godt) op so goede/ vaste Steen-Rootsche ghebouwt hadden/ hebben wy ons des te meer hier in bebluycht / dat wy oock van onser zyde/ ons ghetrouwelyck ende stancvastelycken ren wtersten toe quijten souden. Bysonder int stuck van ghe- hoorlaemheyt/ ende authoziteyt/ wel wetende so wy hier in (als ons meest ontbrekende) oock aldermeest van onse teghenpar- thijen/souden beuochten worden/dat wy des te manlycker ons daer teghens behoorden te verken.

Wat ongheluck ende schadeluycken inbrueck dese twee hooft stucken/ ghehoorlaemheyt ende authoziteyt/ zedert een jaer her- waerts gheleden hebben/ wat valsche gheruchten ende calum- niuse rapporten/ aller weghen tot sulcken eynde syn verbruyt worden / dat sien/ dat gheboelen/ dat beschreyen wy.

Betuyghende voorsz den almoghenden Godt/ die een kinder is onser herten / so wy daer af in onse ziele/ voorsz syn strenghe oordeelsullen moeten verantwoorden/ dat wy allen onsen voorsz leden ende teghenwoordigen handel / tot gheenen anderen eynde gerecht en hebben/ noch en dencken te rechten/ dan om waer te nemen Godes aengheboden genade/ hare Maesthepts wel- daden met blyckende dancbaerheyt te erkennen / syn Excell. syn noodwendighe authoziteyt meer ende meer te beuestighen/ ende onse ghehoorlaemheyt niet alleen int aennemen synder beuelen / maer oock int opbrengghen onser middelen ten lesten toedatelpcken te bewijzen.

Tot welken eynde wy/niet teghenstaende d'uyterste bederf onser Landen en lieden (t'berhael onser schaden onvermindert wieweden is) onse voorgaende quote besloten syn te continueren inde 200<sup>m</sup> lb. dat meer is/ bevindende dese 200<sup>m</sup> lb. niet ghe- nochlaem tot betalinghe der Garnisoenen / ende vervallinghe der



der bylooppende onkosten / sonderlinge als men neffens t' secoers  
van hare Ma. vijf of ses duplent voet volcx m<sup>z</sup> twee duplent  
peerden / int velt wtrecken ende gebruiken soude / sijn wy daer  
ouer doende (Godt geef wat raedt wy soecken / hoe wy ons be-  
nauwen / persen / drucken) ons aenpaert inde 250<sup>m</sup> lb. ter maet  
neffens de andere Provincien te binden / ende op te brengen /  
wel wetende als die Wyanden ons onder haer tyrannich jock  
ghebrocht souden hebben / wat ons dan meer ende hoe vileyn-  
lych toe bezwaernisse onser elendigher verdrukkinge / wtgeperst  
souden worden .

Dit is van t' ghene daer mede wy daghelicx becommert sijn  
dat wy dijnen ende waer toe wy strecken: Godes genade / hare  
Maesteyts gunste / d'authoriteyt zynre Excellentie onse ghe-  
hoorsaemheyt / t'samen metten welstandt onses bedruchtens  
Vaderlands te behouden.

Worden van ons andere gheruchten gestropt / daer met on-  
sen goedē puer te verdoncheren / twist ende misverstant tusschē  
den Provincien t'onsteken / hare Maesteyt ende zyn Excele.  
af te wenden / ende also die sake tot eenen spaenschen peps te  
brengen / wy betuyghen den Godt des Hemels dat ons hier in  
cracht ende geweld geschiet / ende dat wy des ontschuldich sijn.

Och en is ons niet onbekent dat ons dit alles hercomt vā  
den genen die sich ouer ons beclagen / dat wy haer sonder reden  
van hier hebben doen vertrecken / haer recht en iustitie wepge-  
ren / en ons van sulcke persoonen / die hier noch ghebozen / noch  
ghegoeyt sijn op-stucken laten.

Nochtans moeten zy bekenen / dat zy tonrecht haer becla-  
ghen ouer den ghenen / die haerlieder wtlegginge noyt gedreue  
hebben / ende noyt van haerlieder versocht sijn gheweest noch  
om recht ende iustitie / noch om die redenen haerder wtleggin-  
ghe te erlanghen.

Sulcx dat zy tonrecht haren moet op ons wstorten / inson-  
derheyt op den ghenen / die zy segghen / inden Magistraet ghe-  
stelt te sijn teghens onse priuilegien / nu meer als ouer d<sup>z</sup> jaren  
doen zy selfs by solemnele resolutien bande gheheele provincie  
op voorgaende bescheijuinge ghesloten hebben / gelicke perso-  
nen totte voorneemste deses stichts Ampten en officien te versoe-  
ken: nu oock meer / als by tijden Keylers Caroli en des Conincx  
Philippi / doemen persoonen ja bupen dese senenchtien Provin-  
cien /



rien geboortich in onsen Magistraet gebuyet heeft / van welcke  
etlycke / zedert die Pacificatie van Gende / selfs byden genen die  
nu dese impertinente clachte meest zyn drijvende / neffens per-  
soonen wt Zaband ende elders buyten dese Provincien gebo-  
ren in onse Magistraet gheset / ende tot opden huydighen dach  
zonder reproche continuelycke daer in ghehouden ende gheble-  
uen zyn. welcke ende meer dierghelycke acten den leetleden Ma-  
gistraet tot exempel hebben moghen dienen om die voorsz per-  
soonen tot haren vaervolgers onbezwaert te noemen.

Nu dan V. E. hier met ten vollen bericht zynde van ons  
goedt bestendich voornemen / waer nae wy trachten ende hoe  
weynich men ons hier en teghens heeft te beschuldighen / twy-  
felen wy niet V. E. sullen onse ende des gheheele Landes  
saken (wie goede naebuieren ende Christelicke eener Religie  
Bontverwanten ghebuert) met ons totten seluen eynde behar-  
tighen / ende bedencken / oft ons noch by stont eenighe sake ter  
werelt tot nuffhaghen van hare Maesteyt / tot vercleyninghe  
zyns Excell. en uwer Bontgenoten ondergancck op te nemen  
hoe groot ende gewichtich die moesten zyn / eer zy d'importantie  
onser behoudemisse souden connen ouerweghen.

Ende dit is waer in wy niet anders doen / dan wy t'voorzledē  
jaer / by v eyghen reden / propoosten ende inductionen zyn ver-  
maent gheweest / die welcke doen tertyt ons bewoeghen heb-  
bende nu wederom tot V. E. keeren / v niet alleen te ver-  
manen / maer in alle eerbare redelyckheyt af te wysen / dat  
doch in v plaats gripe t'ghene wt uwen eyghen mont gheco-  
men in ons zoo goede plaetse ghegrepen heeft / te weten: Doen  
wy inden beginne des voorzleden jaers / ons bezwaert vonden /  
inde vryen kuer die zyn Excellencie begheerden van eenen per-  
soon wt elcke Provincie inden Raede van State / V. E.  
selfs op de Generale vergaderinghe onse ghesanten verclaerde  
hebben / eer zyn Excellencie niet vernuercht soude worden / dat  
V. E. hem lieuer den gantschen kuer vanden geheelen raede  
wilden toelaten. By waer hier ghecome om te regheren / en  
niet om gheregheert te worden: Om te ghebieden / ende niet  
om gheboden te worden: Om Wetten te stellen / ende niet om  
te ontfangen / Ende zoo wy hier toe niet en souden willen ver-  
staen / dat V. E. alsdan ghemeynt ware daer in by haer sel-  
uen ende apart te versien. Dat nu dese uwe eyghen selfs rede-  
nen



nen in v plaets grispende / zyn Excellentie in zyn nootwen-  
dighe authoriteyt / ende naementlyck int stuck vande Contri-  
butien ende wes t beleyt der Oorloghen aengae / bevesticht  
ende daer inne ghehouden werde. Want behaluen dat het  
van noode is onse zwacke middelen met authoriteyt te stijuen  
zoo zyn oock die redenen die ons hare Maesteyts bystande  
hebben doen versoeken / nu zoo veel te ghewichtigher als wy  
zedert meer ghecrent / ende seer nae ten wtersten gherom-  
zyn. Anders soudt schijnen / dat de noodt (die ons van aenbe-  
gin doen wy machtigher waren hare Maesteyt heeft doen  
versoeken) ons nu soo veel harder persende / ende wy noch-  
tans hare Maesteyts hulpe met verminderinge vanden booz-  
righe authoriteyt ghenoch verwerpende / of willens ende wes-  
tens in onsen doot ende verderffnisse loopen / of eenen Spaen-  
schen peys metten Hertoghe van Parma voornemen wilden.

Ende zo dan onse vereenichde Provincien niet als byendes-  
kinghen maer als Broeders van eenen Vader byden anderen /  
recht of het maer een Lichaem waer / in een verbondt ende in  
ren sake verknoopt zyn / sulcx dat proffijt / eere / behoudenis-  
schade / schande / verderffnisse / van derne handere / als sijt  
eyghen selfs treffen moet: souden wy ons voordien seluen Godt /  
dien wy ouer die bezwooren zynner Excellentien authoriteyt  
ende onser ghehoorsaemheyt met opgherechte vingheren heb-  
ben aengheroepen / ingheval van verminderinghen uwes  
bouen verclaerde ghemoets (des verre zy) moeten betuygen /  
hoe noode ende met hoe groote hertsteet-wesen / wy uwe  
E. hier met beschaenyt ons ende alle vrome Landsaten  
vercoyt ende bedroghen souden vinden / daerom wy uwer  
E. anderwerf vermaendt ende ghebeden willen hebben /  
zoo lief v is eer ende eedt / gheloof ende trouwe / om die sa-  
ke Godes ende zynner armer ghemeynten / om die weldaden  
van haere Maesteyt / ende die verdiensten van zyn Erce-  
lentie / om die beschermenisse uwes beminden Vader-Lands  
zynder redenen die v trecken moghen / beden die uwerlie-  
den betweghen moghen / tranen der elendighen / die v be-  
moeten moghen / besitten wy een vanden boozmoetste plaets  
sen onser Bontghenooten / die behoudenis vanden welcke /  
v dienst vziendtschap ende eere : Verlies / v schade verdziet



W. 1587/95:8.  
verdriet ende schande sonden moghen toebrengghen / dat doch  
alle vorighe zwarticheden / disputen ende passien ( daer niet  
Landen verloren / maer niet behouden cunnen worden ) verre  
van ons gheworpen / wyzyn Excell. tot ons eyghen selfs pro-  
fijt / ende welvaren contentement gheuen / int ghene wy hem  
schuldbich zyn / ende van aenbegin / op v eyghen selfs inductie  
ghegheuen ende vergunt hebben / niet twijffelende hare Ma-  
sal ons wel ja meer doen dan tot noch toe / zyn Excell. sal in  
sijn voorgaenden dienst blijmoedich continueren / die goede on-  
derdanen sullen een vrolijcke moet grijpen / onse Vanden sul-  
len daer niet onghelooffelpcker wijsse ghebroken worden / ende  
Godt almachtich sal onse rechtveerdighe zake met een gheluck  
zalighe wtcomptste ghebenedijden / waer op V. E. goedighe  
ende spoedighe antwoorde met onse ghesanten verwachtende /  
bidden wy Godt almachtich

Edele Erntfeste hoochgheleerde vvijsse seer discrete Hee-  
ren , goede vrienden ende nabueren , uuwe E.  
in gheluck salighe ende voorspoedighe re-  
gheringhe te bevaren . Gheschreuen  
t'Vtrecht desen XXI. Septem-  
bris Anno 1587.





